



UNIVERSITÄTS-
BIBLIOTHEK
PADERBORN

**Ioannis Tollenarii Brvgensis e Soc. Iesv Specvlvm
Vanitatis Sive Ecclesiastes Solvta Ligataq. Oratione
Dilvcidatvs**

Tollenaeer, Jean de

Antverpiæ, 1635

Prosa Exegesis.

[urn:nbn:de:hbz:466:1-68633](https://nbn-resolving.de/urn:nbn:de:hbz:466:1-68633)

PROSA EXEGESIS.

FEST hoc in primis sapienter à supremo rerum omnium Moderatore constitutum, ut oculis auribusque nostris obseruentur assidue ortus obitusque rerum naturalium, & constans huius mundi sublunaris inconstantia: ne facilè nobis imponant blandientis fortunæ ludibria, & pro auro scoriam, pro frumento paleam, pro veris solidisque bonis fumos nobis atque umbras obtrudant. Nam fortunæ quidem fucos, & eorum bonorum vanitatem explodere, quæ à solâ mortalium opinione imaginarium quoddam esse sortiuntur, negotij nihil erit, ubi constiterit, ea quoque vanitati subiecta esse, sine quibus hoc vniuersum non subsistit.

Seneca E-
pist. 71.
Mundus
ipse muta-
tioni sub-
iectus.

Matth. 24,
29.
z. Pet. 3,10.

Natura-
lium rerum
mutationes.

I. Lipfius
lib. i. de
Constant.
c. 16.

Ausus est olim pronuntiare Seneca: Nihil mutationis periculo exceptum: non terra, non cælum, non totus hic rerum omnium contextus. Quamuis enim Deo agente ducatur, non semper tenebit hunc ordinem; sed illum ex hoc cursu dies aliquis deiiciet: ille saltem, quo stellæ de celo cadent, & virtutes cælorum commouebuntur, & elementa ignis calore soluentur. Nec absimile vero est, illum huc respexit, cùm Stoici etiam futuram *καταπλεγμα* agnoscant.

Interim ne procul diffita non satis oculos nostros auresque feriant, praesentia potius contemplemur. Nihil hic videmus opere aut manu factum, quod non aliquando conficiat & consumat vetusta: nihil ab

X Auctore naturæ conditum, quod non instar fluminis prono alueo, ac perpeti cursu ad interitum tendat. Est enim æterna lex à principio dicta rebus vniuersis, nasci, denasci, oriri, aboriri: nec quidquam stabile aut fir-

firmum arbiter ille rerum esse voluit, præter seipsum. Solem hunc vides? perpetuo suo motu varias anni tempestates, accessuq; ac recessu dierum noctiumque spatia dispensat. Lunam intueris? non idem semper illi vultus; vt labores eius taceam, & luminis quandoque defectum. Quid nunc aëris intemperiem, ventorumque vicissitudines commemorem? Quid æstus Oceani, & arcana illam naturæ vim, quæ, vt venti desint ac tempestates, brutum hoc elementum per alernos accessus & recessus exagit? Quid nouam semper terræ faciem per funerum ac natalium vicissitudinem? nec iam singulos tantum homines, sed orbes nouos, & orbis nostro prorsus obuersos? Quid nostri etiam orbis perpetuas mutationes, Romanorum colonias, vagas barbararum gentium discursationes, & publica, vt sic dicam, exilia?

Scythia olim, & totus ille ferarum gentium tractus, ciuitates Achaiae Ponticis impositas littoribus ostentauit. Regnum Neapolitanum, totumque illud Italiae latus quod Infero mari alluitur, maior olim Græcia fuit. Tyrij Africam incoluerunt: Hispanias olim Pœni, nunc Goths. Græci in Galliam se immiserunt, in Græciam Galli. Italia in Longobardi tenuerunt, Angliam Saxones. Sic aliis aliâ ex causâ suis sedibus expulsis, vix vlla terra est, quam indigenæ colant: permixta & insititia sunt omnia.

Sed exigua fit hæc rerum commutatio, quam Gentium leuitas, patriæque fastidium inuixerunt: maior extitit ab urbium ac Regnorum interitu. Florentissima quondam fuit Monarchia Assyriorum, Medorum, Perfarum, Græcorum: sed quam leui momento versa est & eversa tot inclytorum Imperiorum fortuna? Aut

C 3

enim

*Populorum
mutatio-*
nnes.

*Regnorum
urbiumq;
interitus.*

Iustinus

l. i. c. 3.

Dan. 5. 25.

Iustinus

l. 11. c. 14.

& lib. 12.

c. 13.

I. Lipsius

lib. 1. de

Constant.

c. 16.

Mart. l. 12.

Ep. 8.

enim vnius hominis effeminati luxus nouandarum re-

rum ansam præbuit, aut vnius noctis intempestiuæ
comesatio Regni sedem euertit, aut vnius prælij ad-
uersa fortuna cum Regno diadema transtulit, aut
vnius iuuenis præmatura mors vix coalescentis Imper-
rij membra distraxit. Quid vrbiū aut vastitatē aut
interitum commemorem? Vnus sub Tiberio terræmo-
tus duodecim celebres Asiac vrbes euertit: totidem
alius oppida Campaniæ sub Constantino: & vnum
aliquod Attilæ bellum plus quām centena. Veteres
Ægypti Thebas vix fama retinet: Hecatompolis Cre-
ta nunc fabulæ quām historiæ propior. Inclytum fuit
olim Salomonici Regni caput Ierosolyma: nunc ve-
teris opulentia nullum vestigium. Iudæi cunctis lon-
gè lateque formidabiles; nunc extorres, vagi, fugi-
tiui, mediastina orbis mancipia. Æmulæ quondam
Romani Imperij ciuitates, Carthago & Numantia,
nunc mapalia, fauillæ, ac rudera. Et campus, ubi Troia
fuit. Illa ipsa quondam

Terrarum dea Gentiumque, ROMA,
frustrà occultato genio æterna vrbis, toties in suis ipsius
ruderibus sepulta, ambitiosè quæritur, nec inuenitur
in suo solo. Et vos meæ Brugæ, Athenæ quondam Bel-
gicæ, nobilitatis delicium, florentis Europæ notissi-
mum emporium: quæ apud exteras nationes Flandro-
rum nomen, velut commune Belgarum, celebraſtis,
quod tandem exhibebitis antiquæ dignitatis vesti-
gium? Vix umbra tanti nominis est reliqua: rem ip-
sam Principum furor Antuerpiam, orbis ocellum, Bel-
gij gemmam, transtulit, quæ tamen ipsa vix pristi-
num iam splendorem tuetur. O mira, nec satis vim-
quam comprehensa necessitatis lex! Abeunt omnia in
hanc

hanc nascendi pereundiique vicissitudinem: & longæuum aliquid in hac esse machinâ potest, at nihil æternum.

Ex hac rerum sublunarium fluxâ fragilique naturâ varia hoc toto ferè Capite consectaria colligit Ecclesiastes. Ac primùm illud, quod vñico verbo paulò antè delibauimus; cùm hæc omnia fluxa sint & caduca,^{Verf. 3.} nullum in hac vitâ laboris sui præmium homines referre, præter vanitatem, & inane nihil. Deinde, cùm ^{Verf. 8.} nihil hîc stabile consistat, sed omnia perpetuo motu fluant ac disfluant, non satis eorum naturam oculis auribusque notari posse; proindeque nec solidam haberi scientiam. Tertiò, cùm omnia recurrent in hunc nascendi ac denascendi fatalem gyrum, nihil esse sub ^{Verf. 9. 10.} Sole nouum, sed quæ præteritis sæculis dilapsa sunt, postliminiò restaurari. Denique, cùm hîc perpetuo ^{Verf. 11.} fluxu cuncta dilabantur, non exstare apud posteros eorum memoriam quæ disfluxerunt.

Sed nunc primo consectario paulisper insistamus; & quam in rebus naturalibus fluxam fragilemque naturam deprehendimus, eamdem rebus humanis fortuna^{& dona fluxar} & caduca. næque donis inesse demonstremus. Docet hoc in primis eleganti mimo Laberius: *Fortuna vitrea est, quæ dum splendet, frangitur.* Splendida sunt eius dona, honores scilicet ac diuitiæ: quis neget? sed quid in his non vitreum? quid non fragile & caducum? Demetrium Phalereum cogitatione paulisper intuemini, optimis olim legibus atque institutis Republicâ Atheniensium stabilitâ, ad summum dignitatis apicem euectum, ea-^{Honores}
^{fragiles.}
^{Str. bo li. 9.} que causâ trecentis æneis statuis totâ Atticâ erectis cohonestatum: tantum tamen valuit quorundam inuidia, vt in Ægyptum spontaneus exul profugerit, eiuf-

eiisque statuae fuerint in matulas conflatae. Cn. Pompeius supra rerum humanarum fastigium olim euc-
etus, montes aureos in triumpho Romanis ostenderat:
idem ille tamen glebam terrae in alieno littore deside-
rauit, postquam de eius capite pupillus & spado tulere
sententiam. Et quoniam è Regno in seruitutem cadere,
ipsa morte censetur acerbius: ne hoc quidem facino-
ribus suis deesse voluit fortuna, cum Hecubam Vlyssis
seruituti subiecit, Crœsum Cyro, Darij matrem Ale-
xandro mancipauit.

*Divinitas
fluxa.*

*Florus li. 3.
cap. 11.*

*Baronius
to. 7. a. 561.*

*Boët. lib. 2.
de Consol.
Prosæ 2.*

*Rerum hu-
manarum
vanitas
contemnen-
da.*

Nec melius cum iis actum est, qui velut in theatro
missilia fortunæ, diuitias inquam, auido sinu excepe-
runt. Quis ignorat, aurum M. Crassi capiti perludi-
brium infusum? Quis non obstupescit, Belizarium
post opes Regibus inuidendas luminibus orbatum, &
ad mendicabula redactum, stipem in compitis à præ-
tereuntibus corrogasse? Nec est tamen, cur de iniuriâ
acceptâ cum fortunâ quisquam expostulet, quæ suo
quasi iure sic apud Boëtium se tuetur: Quid tu, ô ho-
mo, ream me quotidianis agis querelis? quam tibi fe-
cimus iniuriam? Hæc nostra vis est: hunc quotidie lu-
dum ludimus. Rotam volibili orbe versamus: infima
summis, summa infimis mutare gaudemus. Ascende,
si placet: sed è lege, vti, cum ludici ratio poscer,
descendere iniuriam ne putes.

Quæ cum ita sint, nihil est mortali conducibilius,
quam vt hæc mortalia velut umbras contempletur, ho-
nores velut fumi globum existimet; qui quo altius ex-
tollitur, latiusque intumescens diffunditur, eò facilius
in ventos euanescit: diuitias instar iridis esse reputet,
quæ vano splendore perniciem suam occultent, & spe-
ctantium oculos, mox lacrymas daturæ, fallant. De-
nique,

nique, vitam hominis nihil nisi vanam in theatro fabulam, scenæque imaginem esse iudicet: quos h̄c diuites, potentes, in dignitate constitutos viderit, personatos histriones arbitretur, eorumque sortem nihil nisi personatam felicitatem. Denique, quemadmodum Augustus moriens, barbā decenter compositā, & censore speculo castigatā, amicos interrogauit, ecquid vi-tæ mīnum aptè repræsentasset; sic homo nihil maiori curâ prouidebit, quām vt impositam à Deo fortuna-que nascendi personam decenter sustineat, atque ita in rebus humanis versetur, tamquam in theatro fictam fabulam aut specter, aut repræsentet, quæ adductâ cor-tinâ, ex oculis animisque mox euaneat. Nunc ad al-terum Ecclesiastæ conlectarium gradum faciamus.

SECTIO TERTIA.

ECCLESIASTES.

VERS. 8. Cunctæ res difficiles^a: non potest eas homo explicare sermone. Non saturatur oculus visu^b, nec auris auditu impletur.

METRICA PARAPHRASIS.

NON sic nubiagi fulminis armiger
Alarum nebulas remigio secat

Dum vestigia cursus
Confundit liquido æthere:

Non sic Pegaseo nuntius impete
Transmittit spatiū concitus aquora:

Non sic igne vapores
Vanescunt Hyperionis:

^a id est, mo-
rosæ, non
facientes
sui copiam.
^b Non sub-
sistunt do-
nec oculis
vel auribus
fiat satis.
Ita Isido-
rus &
Campensis.

D

Non